

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი

ბრძანება № 01-02/145

ქ. ბათუმი

01- სექტემბერი, 2021 წ.

2021 წლის ერთიანი ეროვნული გამოცდების შედეგად აბიტურიენტების ბსუ-ში  
ჩარიცხვისათვის გასატარებელი ღონისძიებების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, საქართველოს განათლებისა და მეცნიერების მინისტრის 2011 წლის 18 თებერვლის №19/ნ ბრძანებით დამტკიცებული „ერთიანი ეროვნული გამოცდების ჩატარების დებულებისა და სახელმწიფო სასწავლო გრანტის განაწილების წესის“, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესის“, ბსუ-ს წარმომადგენლობითი საბჭოს 2015 წლის 29 სექტემბრის №06 გადაწყვეტილებით დამტკიცებული „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესის“, „ბსუ-ს 2021-2022 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2021 წლის 06 აგვისტოს №06-01/80 დადგენილების, ბსუ-ს სასწავლო პროცესის დეპარტამენტის უფროსის 2021 წლის 29 აგვისტოს MES 1 21 0000828816 სამსახურებრივი ბარათის საფუძველზე,

**ვ ბ რ ძ ა ნ ე ბ :**

1. 2021 წლის ერთიანი ეროვნული გამოცდების შედეგად ბსუ-ში ჩარიცხვის უფლებამოსილებული აბიტურიენტების ბსუ-ში ჩარიცხვისათვის გატარდეს შემდეგი ღონისძიებები:

1.1. აბიტურიენტთა ბსუ-ში რეგისტრაცია (ხელშეკრულების გაფორმება და პირადი საქმის გახსნა) განხორციელდეს 2021 წლის 07 სექტემბრიდან 17 სექტემბრის ჩათვლით (შაბათ-კვირის გარდა) პერიოდში, 10:00 სთ-დან 17:00 სთ-მდე, შემდეგი განრიგით:

ა) 2021 წლის 7 სექტემბერი - ჰუმანიტარულ მეცნიერებათა ფაკულტეტის საგანმანათლებლო პროგრამებზე (ქართული ფილოლოგია; ისტორია; ინგლისური ფილოლოგია; გერმანული ფილოლოგია; ფრანგული ფილოლოგია; რუსული ფილოლოგია; თურქული ფილოლოგია; თარგმანმცოდნეობა; ფილოსოფია; თურქეთისმცოდნეობა);

ბ) 2021 წლის 8 სექტემბერი - ეკონომიკისა და ბიზნესის ფაკულტეტის საგანმანათლებლო პროგრამებზე („ბიზნესის ადმინისტრირება“; „ეკონომიკა“);

- გ) 2021 წლის 9 სექტემბერი - საბუნებისმეტყველო მეცნიერებათა და ჯანდაცვის ფაკულტეტის საგანმანათლებლო პროგრამებზე (ბიოლოგია; ეკოლოგია; გეოგრაფია; ქიმია; ფარმაცია; ფიზიკური მედიცინა და სამედიცინო რეაბილიტაცია; მედიცინა; სტომატოლოგია);
- დ) 2021 წლის 10 სექტემბერი - ზუსტ მეცნიერებათა და განათლების ფაკულტეტის საგანმანათლებლო პროგრამებზე (მათემატიკა; ფიზიკა; კომპიუტერული მეცნიერებები; დაწყებითი საფეხურის მასწავლებლის მომზადების ინტეგრირებული საბაკალავრო-სამაგისტრო პროგრამა);
- ე) 2021 წლის 13 სექტემბერი - იურიდიული და სოციალურ მეცნიერებათა ფაკულტეტის საგანმანათლებლო პროგრამებზე (სამართალმცოდნეობა; ევროპისმცოდნეობა; ფსიქოლოგია; საერთაშორისო ურთიერთობები; საჯარო მმართველობა);
- ვ) 2021 წლის 14 სექტემბერი - ტექნოლოგიური ფაკულტეტის საგანმანათლებლო პროგრამებზე (მშენებლობა; ტელეკომუნიკაცია; არქიტექტურა; აგრონომია; სასურსათო ტექნოლოგია);
- ზ) 2021 წლის 15 სექტემბერი - ტურიზმის ფაკულტეტის საგანმანათლებლო პროგრამაზე (ტურიზმი);
- თ) 2021 წლის 16-17 სექტემბერი - ბსუ-ს საგანმანათლებლო პროგრამებზე ჩარიცხვის უფლებამოსილებული იმ პირებისათვის, რომლებიც ვერ შეძლებენ რეგისტრაციის გავლას ამ პუნქტის „ა-ზ“ ქვეპუნქტებში მითითებულ ვადებში.

**1.2. ბსუ-ში რეგისტრაციისათვის აბიტურიენტმა (ან მისმა კანონიერმა წარმომადგენელმა) მატერიალური სახით, ასევე ელექტრონულად, უნდა წარმოადგინონ:**

- ა) პირადობის მოწმობის ასლი (დედანთან ერთად);
- ბ) სრული ზოგადი განათლების დამადასტურებელი დოკუმენტის (ატესტატის) ნოტარიულად დამოწმებული ასლი;
- გ) ორი ცალი ფოტოსურათი (3x4);
- დ) სამხედრო აღრიცხვაზე ყოფნის დამადასტურებელი დოკუმენტის ასლი (ვაჟებისათვის);
- ე) უცხო ქვეყანაში მიღებული განათლების აღიარების დამადასტურებელი დოკუმენტის ასლი (ასეთის არსებობის შემთხვევაში);
- ვ) სწავლის საფასურის გადახდის ქვითარი.

**1.3. ბსუ-ში სწავლის უფლების მქონე პირი (პირველსემესტრელი) ვალდებულია გაიაროს ადმინისტრაციული რეგისტრაცია - გადაიხადოს პირველი სემესტრის სწავლის საფასური (შესაძლებელია ეტაპობრივად გადახდა, მაგრამ ხელშეკრულების გაფორმებისთანავე, კერძოდ:**

- ა) არანაკლებ 800 ლარისა - იმ პირის მიერ, ვისაც არა აქვს მოპოვებული სახელმწიფო სასწავლო გრანტი ან სახელმწიფო პროგრამული დაფინანსებით სწავლის უფლება;
- ბ) არანაკლებ 340 ლარისა - იმ პირის მიერ, ვისაც მოპოვებული აქვს 50%-იანი სასწავლო გრანტი;

გ) არანაკლებ 200 ლარისა - იმ პირის მიერ, ვისაც მოპოვებული აქვს 70%-იანი სასწავლო გრანტი;

#### 1.4. წინამდებარე ბრძანების მიზნებისათვის სასწავლო პროცესის დეპარტამენტმა უზრუნველყოს:

ა) წინამდებარე ბრძანების შესაბამისი განცხადების ტექსტის მომზადება და ბსუ-ს ვებგვერდზე განთავსებისათვის ბსუ-ს საინფორმაციო ტექნოლოგიების სამსახურისათვის მიწოდება;

ბ) აბიტურიენტთა რეგისტრაციის პროცესის წარმართვა, მათ შორის აბიტურიენტთათვის საინტერესო, ვებგვერდზე განსათავსებელი ინფორმაციის მომზადება და სამუშაო ჯგუფის მუშაობის კოორდინაცია (ბსუ-ში მოქმედ სტუდენტურ სერვისებზე - სოციალურ პროექტებზე, სტიპენდიებზე, სწავლის საფასურზე, ბსუ-ს სტუდენტთა უფლებებსა და მოვალეობებზე, შინაგანაწესზე, ეთიკის კოდექსზე და გაცვლით პროგრამებზე კონსულტაციების გაცემა);

გ) აბიტურიენტებთან ხელშეკრულებების გაფორმება, პირადი საქმეების გახსნა, ელექტრონული პირადი საქმეების შექმნა და სტუდენტთა ელექტრონულ სერვისებზე შესაბამის პროფილში განთავსება, შესაბამისი ფაკულტეტის დეკანის ოფისისათვის მიწოდება და ბსუ-ში ჩარიცხვის უფლების მქონე დარეგისტრირებული პირებისათვის (პირველსემესტრელთათვის) აკადემიური რეგისტრაციის შესახებ კონსულტაციის, შესაბამისი ფაკულტეტის დეკანის ოფისთან ერთად გაწევა;

დ) დარეგისტრირებული აბიტურიენტების სახელობითი სიისა და მათი ჩარიცხვის შესახებ სამართლებრივი აქტის პროექტის მომზადება, ასევე ბსუ-ს ელექტრონულ სერვისებზე (სასწავლო პროცესის მართვის ელექტრონული სისტემა და სტუდენტური პორტალი) რეგისტრაცია და შესაბამისი ინფორმაციის ადმინისტრაციისათვის მიწოდება.

1.6. 2021 წლის ერთიანი ეროვნული გამოცდების შედეგად აბიტურიენტების ბსუ-ში ჩარიცხვის შესახებ ბსუ-ს რექტორის ბრძანება გამოიცეს აბიტურიენტთა რეგისტრაციის შედეგების მიხედვით, სასწავლო პროცესის დეპარტამენტის უფროსის სამსახურებრივი ბარათის საფუძველზე.

2. დაევალოს საინფორმაციო ტექნოლოგიების სამსახურს და მატერიალური რესურსების მართვის დეპარტამენტს აბიტურიენტთა რეგისტრაციისათვის საჭირო მატერიალური რესურსითა და ქსელით სასწავლო პროცესის დეპარტამენტის (სამუშაო ჯგუფის) მხარდაჭერა (მატერიალური რესურსების მართვის დეპარტამენტმა, ბსუ-ს დაცვისა და უსაფრთხოების განყოფილებისა და ბსუ-ს ექიმის ზედამხედველობით უზრუნველყოს აბიტურიენტების პირბადით გამოცხადების მონიტორინგი, აბიტურიენტთა ნაკადების კონტროლი და თერმოსკრინინგი.

3. ბრძანების შესრულებაზე კონტროლი განახორციელოს რექტორის მოადგილემ, ქალბატონმა თამარ სირაძემ.

4. ბრძანება გასაცნობად და აღსასრულებლად დაეგზავნოს სასწავლო პროცესის დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, იურიდიულ დეპარტამენტს, საინფორმაციო ტექნოლოგიების სამსახურს და ფაკულტეტებს, ასევე გაცნობის მიზნით განთავსდეს ბსუ-ს საინფორმაციო დაფებზე და ბსუ-ს ვებგვერდზე.

5. ბრძანება ძალაშია ხელმოწერისთანავე.

6. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

რექტორი, ასოცირებული პროფესორი



მერაბ ხალვაში